



風雅小叙

士人之侶其人亦猶人之侶其山



水也山水能肖人之貌而人善繪

山水之聲則天者告之矣余來太

平從士大夫游見其山川都邑焉

慨然而興悄賦而思不待讀其詩

若文而已風流滿眼矣時以詩歌
教我靜氣相披亦何雋朗而多姿
也又嘗博求前賢著作讀之奔
湍峻坂挂蠹梨醅衆體畢備極文
心之變而大要歸本於和平將謝
李之流風有漸靡使然者歟又何

其混乎有三百篇之遺教也三百
篇皆以正性而風更言情蓋山巔
水涯陶寫性靈揚於風土不必同
諸雅頌故其品題山水寄託懷
抱亦言人之殊而要以閨闈之內
自數家珍更為親切譬諸刀之調

調衆籟畢作猶之大塊噫氣吹
萬不同無不沁人於肌骨之激使
越境而譚土俗累糧而問津梁壯
糠郭龍之見也風斯六矣或曰誠
如所云博收之不為濫何所輯之
簡也余曰詩猶樂也為燕也石為

已也惡為牙也樂直以一音取重卒
之舞百獸和神人不加於此且余
以收山水之意收之即謂以不盡
焉可也余旦暮北去經長白故里
里人見我當有中郎之說余將
語之曰子不知象見太平之人讀

太平三書來耶

張萬選題



太平風雅目錄一集

濟南張萬選舉之父編注

郭祥正

字功甫當塗人維之子母張氏夢太白而生少儻為詩文有逸氣梅堯臣見之曰天才如此真太白後身也宋慶曆舉進士除秘閣校理歷官保信軍節度判官為王安石所抑以殿中丞致仕屏居作醉吟先生傳詞放而雅文多不載著青山集三十卷交游皆天下知名士李公麟繪其像蔣之奇陳瓘王安石蘇軾皆為贊晚嗜禪學其終也作偈曰壽七十九世亦希有歸去來兮獅子哮吼人服其悟解

青山記

懷青山草堂

采石渡

望夫山

暮秋登黃山 廣福禪寺 玩鞭亭 一化城

寺 清風亭 凌歊臺 隱靜普惠寺

徐 迪 繁昌人 邁之弟 詩文清麗 人稱聯璧

北園載酒和蔡確

張 祁 字晉彥 其先歷陽人 宋淮南轉運判官 以子孝祥仕 寢顯不樂干進 卜居蕪湖

因家焉 築堂曰歸去來 深於禪學

廣福寺

張孝祥 字安國 蕪湖人 兩薦于鄉 宋高宗親擢 第一 累官中書舍人 直學士 院歷帥 廣

西湖南常父子并乘使車 觀者夾道 夸艷 自號于湖居士 有文集數十卷 行于世

乾道修學建閣記 遊赭山 夢日亭 滿江紅詞

方汝彊 字南夫 繁昌人 少即有志 理學 宋紹興 中進士 不樂仕 教授里中 從游者甚眾 有文集藏于家

江上晚行

李 習 字伯羽 當塗人 父敘 以文儒名 習治尚 書 負經濟才 延祐初 領鄉薦 為書院長

明太祖克采石 習奉迎 遂擢為本府知府 廉能 公謹 精于治理 年八十餘 卒 祀名宦 有文集五卷 名曰橄欖 弟翼 領浙江鄉薦 亦擅文 名江左 目之為二李

石城山

陶安

字主敬當塗人幼精敏有大志師事李習兄弟至正中舉鄉試為明道書院長

時擯斥南士不用罷歸明太祖取太平安率父老迎謁留參幕府遂為開國名臣歷官江西行省參知政事所至有惠政議禮定律兼修國史皆充總裁官卒後追封姑孰郡公諡文憲

大成殿賦

青山謝玄暉宅

李翰林墓

重修蛾眉亭記

天門山

凌歊臺

魯港

荻港

潘庭堅

字叔聞當塗人以迎明太祖授翰林學士

丹陽湖蒹葭雪霽

黃禮

字文敬蕪湖人明初徵授龍游縣主簿謝官歸講學教授生徒人稱玄洲先生

赭山塔

雄觀亭

荆山

長河

楊體仁

字士行當塗人洪武中任太平府學訓導

橫山龍井

李汶

字宗茂當塗人明初召為史館編修官

凌歊夕照

李勝原 字盤谷生元末兵亂時以兵略自負從明太祖領兵有取復江州之功賜繡袍銀椀其後辭歸保障一鄉民多賴之

采石 魯港

嚴允諧 繁昌人明初任本學教諭有文名

峩橋雪霽 三山秋月 覆釜晴嵐 浮丘

丹井 荻浦歸帆

祖 儁 字志遠當塗丹湖人自少有詩名永樂中召修大典例當得官儁辭歸以詩酒自樂泊如也

文昌宮 萬壽寺 無相寺 尼坡梅月

咸保圩

鍾 銘 字彥仁當塗人明永樂時儒士

登橫山訪陶貞白仙跡 秋夜泛舟丹陽湖

謝 騫 字鵬舉當塗人正統中進士拜河南監察御史侃侃立朝務持大體督鹽課於浙風紀大振無敢私販者處州盜起躬入賊巢策擒其酋疏請宥脅從歸農賜文綺寶鏹歷山東布政司右叅政致仕歸著述甚富藏于家

姑孰 太白墓 遊景山

鍾 城

字德卿當塗人景泰五年進士官福建
江西南省學憲邃于經術撰太平府志
二十卷詳而有體人比之羅鄂州新安志
也

登六角亭

端 宏

字仲仁當塗人明天順丁丑進士授浙
江道監察御史有風裁累官浙江布政

登白芩山

劉 源

字有本當塗人明正統中舉人官訓導

黃山廣福寺

李 蕙

字德馨當塗人明成化五年進士除刑
科給事中歷轉至都察院右副都御史

凌 歊臺

謝 理

字一卿當塗人明成化進士所著有周
易解春秋解太平人物志東岑筆記

凌 歊臺

楊 觀

當塗人明成化中舉人

橫望山武安王廟二首 謫仙樓

徐 傑

字興之繁昌人明成化甲辰進士官淄
川知縣

雙桂峰

入圖畫

洗硯池

入圖畫

邢 珣

號三湖當塗人明成化己丑進士官方
伯為太守時同王文成平宸濠之亂

謫仙樓

胡燿

字仲光蕪湖人明弘治進士翰林院庶吉士以災變抗疏直言予告

與磯

王禕

蕪湖人

凌歊臺

赭山

神山

長河

王孜

字彥恒蕪湖人尚義喜吟咏嘗蠲賑不願受旌

慈姥磯孝子祠

孝烈橋

謝

玉

字來峰當塗人善署書能詩明成化時處士

丹陽湖八景二首

楊洪

當塗人

龍山

楊深

當塗人從祖儁學詩明成弘間以詩名

凌歊臺 白紵山

祝

鑾

字鳴和當塗人明正德戊辰進士授禮部主事諫武宗南巡廷杖嘉靖間起官叅政所著有篁谿文集重修太平府志

登清風樓賦

月盤亭

登太白樓

端廷赦

字虹川當塗人明正德辛巳進士累官右都御史以方正稱

登白紵山

楊東

字石崗當塗人明嘉靖癸未進士官監察御史

冬日謁青蓮墓

采石晚眺

倪嵩

字中卿當塗人性方嚴明嘉靖己丑進士官右都御史分宜以同名為嫌諷改之拂衣請致仕海忠介公聞之嘆曰中卿我輩人也

登蛾眉亭

鍾書

字尚友當塗人生平以詩酒自娛曾孫舉明萬曆己未進士

靈墟山廡韻

楊金

字後峰當塗人明嘉靖戊戌進士民部郎楊諫之子博雅善法書官福建憲副

蛾眉亭

花津晚泊

青山道中

端廷相

字竹亭當塗人

黃山

端鈇

字後川當塗人明嘉靖己酉舉人

姑溪

倪伯鯨

字逸庵當塗人明處士所著有嘉遜集

青山 藏雲寺 五柳渠

倪伯鰲

字子元當塗人明太學生天才敏贍詩文千百言下筆立就所著有十洲集十洲外集別集又宮詞閨詩塞上曲各百首

春日登青山 青山望巢湖 采石懷太白

登白紵 凌歊懷古 女郎祠 春日登

雷巖同辰山諸丈 湖陰道中 集螻磯

謝九鼎

字寶齋當塗人明萬曆歲貢學術醇正詩文雅質

靈墟山題丁仙遺蹟冊

梅淳

字凝初當塗人明隆慶進士授監察御史累官左方伯以清節著

題金柱山

謝裘

字子美當塗人明萬曆甲戌進士官浙江廉憲

金柱山

葛森

字勝之當塗人

九日同倪士馨登龍山用杜韻

徐宗夔

字儼虞當塗人

夜泊采石

倪伯鯨

字明甫當塗人明萬曆舉人官郡丞從征播逆著績

九日同老友張墨田錢惺一登蛾眉亭

王之典

字式之當塗人明萬曆歲貢官縣令生平一介不苟歸田蕭然如寒士

秋日偕士馨甥游青山 九日泛舟姑溪

端 鈺

字述亭當塗人明儒士

舟宿采石

崔

淪

字鶴汀繁昌人明萬曆辛丑進士官吏部郎

長興烟雨

葛師夔

字太和蕪湖人明別駕

白紵山懷古

潘 謚

字梅麓當塗人明萬曆壬辰進士

謫仙樓

楊成喬

字如椿當塗人明萬曆辛丑進士官職方郎中持正不阿夤緣弊絕朝論重之

雷峰

陶 澗

字汝觀當塗人明文學

謝公池

倪光胤

字長卿當塗人明文學

蛾眉亭遲任一吾毛繼泉

端汝洛

字藻玉當塗人明文學

初秋偕倪蒼舒姑溪夕泛

倪一鳳

字飛卿當塗人明文學

再遊馬山菴

張大有

字若無蕪湖人明文學

識舟亭看山間紅樹
登赭山遇雨

祝可仕

字孟型當塗人明萬曆庚戌進士官福建參議

登白紵山同潘景升分韻
無相寺

王 縈

字文仲當塗人明鄉貢

秋日過馬山庵
秋日錢明初邀飲雷巖

張一躍

字仲濠當塗人明天啓恩貢授大名府判孫畢宿中順治丁亥科進士

春日登黃峰
初夏飲無相寺分得微字

李一策

字闕繁昌人享年期願有明人瑞也

辭建百歲坊

李一公

字心石繁昌人明萬曆庚戌進士官四川叅政

遊嶼磯

倪芳胤

字蒼舒當塗人明萬曆舉人少負才氣工辭賦善書有詩集六卷

泛舟姑溪

登雷巖 三山磯

葛

綱

字正寰蕪湖人明萬曆中舉人官戶部員外

荆山寒壁新圖歌

沈希韶

字青嶼蕪湖人明萬曆壬戌進士官監察御史

荆山

徐紹泰

字三陽當塗人明萬曆己未進士授浙江蘭谿令

登采石磯

曹履吉

字元甫當塗人明萬曆丙辰會魁幼賦異質早有文譽歷官河南學憲晉光祿少卿著有博望漁山携謝青在辰文諸集

姑溪泛月

登金柱山敬和先大父封公元

韻

同韓孟郁登凌雲山慨欲家予東畝走

筆堅之

同諸詞人坐尼坡有感

期世符

菴於尼坡下詩以堅之

舟行望夫磯初見

雨後瀑落二首 青山道中 藏雲山房

李太白先生碑記 鄭公橋記 濬河記略

湯一統 字惟一 蕪湖人 明萬曆中舉人

采石謫仙樓

倪瑞胤 字世符 當塗人 明崇禎歲貢 令當陽流寇之亂 卒於王事 著有倪仲子詩集

秋日偕友人泛舟采石 登橫山題壁

王大壯 字中履 當塗人 明萬曆恩貢 有才名 官歸德府判

青山 凌歊懷古

魏之屏 字康侯 繁昌人 明萬曆丙午舉人

春日遊金峨華蓋洞

李冲斗 字青城 當塗人 明文學

汎舟采石值雨

吳士秀 字叔獻 當塗人 明徽州府訓導 工文章 善書 有直寄堂稿 行于世

謫仙樓歌 過采石 牛渚

端汝洋 字太瀛 當塗人 明歲貢 官廣文

歸舟采石 謝公池

倪漢儒 字穉醇當塗人明崇禎恩貢

早春游雷巘

楊芝瑞 字仲房當塗人楊職方次子明天啓辛酉舉人家世孝友才識敏練官慶遠縣

令擢山東武定州守子世學中順治丁亥利進士

梁山晚眺

蕭雲倩 字小易蕪湖人崇禎丙子舉人年少俊才司李蕭尺木之弟時人比之二陸

同沈崑銅朱西離家尺木月盤山得雷峰二

字正韻

徐弼臣 字相民當塗人明崇禎丙子舉人

蛾眉亭

端揆 字敘伯當塗人明文學有雁字七言律百首

謫仙樓

鍾嘉生 字彥徵當塗人明文學詳見紀異

雨霽登橫山 九日從家都諫邀同孫我弘

張貞菴楊仲房林楚良方姬靜憐泛舟眺

龍山

附閨秀

鄒

氏

字士齋當塗人適監丞濮公琰封孺人子韶官編修孺人幼聰慧父益齋先生

孝廉謙教以經史遂能詩文有人倫之鑒擇婿得費宏狀元宰相弟智官監察御史

釣魚臺

凌雲山下

端

氏

字淑卿當塗人士族之女適文學芮君有綠窻詩稿四卷和平貞靜居然雅音

舟泊姑溪

橫山灰井

暮泊丹湖

蛾眉

亭

秋夕泊丹湖

太平風雅目錄二集

張時暘

字艾若當塗人明萬曆丙辰進士官尚寶司司丞順治二年予告

牛渚

黃山

羅萬爵

字澹研蕪湖人明萬曆己未進士官河南道御史

訪吳波亭遺址

陰德顯

字玄度蕪湖人明貢士官蔚州知州

舟中望謝公山

湯一湛

字青門蕪湖人明天啓乙丑進士官順德知府

荆山

鍾

斗

字木仲當塗人明萬曆己未進士官太常寺少卿順治二年內院代題致仕

靈墟山訪丁令威仙跡 咏白紵松風

徐一范

字固城當塗人明崇禎戊辰進士見任禮部儀制司郎中

白紵山省墓

張一如

字來初蕪湖人明崇禎辛未進士官吏部文選郎遷荆南道副使

采石道中

泛歐湖

再泛歐湖

秋泛歐

湖

宿慈湖

靈澤夫人祠和韻

泛姑溪

元夕自慈磯至太平

倪蕃胤

字叔遠當塗人

采石江上送家大人應

詔北上

蕭雲從

字尺木蕪湖人明崇禎恩貢考授司理

游范蘿山

端茂杞

字楚材當塗人明崇禎庚午舉人

登禪嶽寺

羅世繡

字繡銘蕪湖人明貢士

泛舟溪上夕登荆山 蟻磯

端茂杰 字異生當塗人順治五年恩貢

姑溪

沈士柱 字崐銅蕪湖人

翫鞭亭懷古

徐鼎臣 字調民當塗人明崇禎壬午舉人

湖居

郝一楷 字繁昌人明舉人

隱靜寺觀李太白先生碑

張其宿 字朗先蕪湖人明崇禎丙子舉人

寒壁

葛天驊 字霜驊蕪湖人順治乙酉科舉人

登荆山

翦一鶴 字羽仙蕪湖人順治丙戌科舉人

登荆山步葛二霜華韻

巫之巒 字巒穉當塗人順治乙酉科舉人

土山般若菴

張九如 字十初蕪湖人

初夏自郡返邑入赭山鼓下矣從輿中看山

猶可髣髴

張宿璧 字東圖蕪湖人

春遊青山白雲寺宿山下止月菴

蕭一芸 字閣友蕪湖人

歐湖隄上遙望青山

太平風雅補遺

陶安 見前

天門山

徐傑 見前

韜玉峰

夏祚 字天錫當塗人明成化戊戌進士任兵科給事中有鯁直風官至左布政

梁山風

郭登名 字箴抑當塗人明貢士

青山白雲寺 橫山

張宿壁 見前

螺磯

曹履吉 見前

杜思舟開采石山望別

鍾秀生 字伯疑當塗人九歲能文

秋日登橫山

周之德 字元修蕪湖人

遊青山

太平三書卷之九

濟南張萬選舉之甫編輯

風雅原始

余輯太平風雅求之宋以前不易得也爰取漢
陶恭祖奏記一書一晉何萬倫議一陶世瑛議
二梁周思纂詩三唐張惟儉詩一雖與山水無
涉而人文啓秀實與山水相映發矣作風雅原
始

漢陶謙

字恭祖丹陽人少為諸生仕州郡四遷至車騎將軍徐州牧加安東將軍封溧陽侯

奏記太僕朱雋

雋時為河南尹謙以雋名臣數有戰功乃與豪傑共推雋

徐州刺史陶謙前揚州刺史周乾瑯琊相陰德東海相劉植彭城相汲廉北海相孔融沛相袁忠太山太守應劭汝南太守徐璆前九江太守服虔博士鄭玄等敢言之行車騎將軍河南尹莫府國家既遭董卓重以李傕郭汜之禍幼主劫執忠良殘敝長安隔絕不知吉凶是以臨官尹人搢紳有識莫不憂懼以為

自非明哲雄霸之士曷能克濟禍亂自起兵以來于茲三年州郡轉相顧望未有奮擊之功而互爭私變更相疑惑謙等竝共諮諏議消國難僉曰將軍君侯既文且武應運而出凡百君子靡不顛顛故相率厲簡選精悍堪能深入直指咸陽多持資糧足支半歲謹同心腹委之元師

後漢書

上獻帝論罷兵書

謙為徐州牧別將士卒襲殺曹操父嵩操將伐謙先表帝

罷州郡兵
謙上書

臣聞懷遠柔服非德不集克難平亂非兵不濟是以
涿鹿版泉三苗之野有五帝之師有扈鬼方商奄四
國有王者之伐自古在昔未有不揚威以弭亂震武
以止暴者也臣前初以黃巾亂治受策長驅匪遑啓
處雖憲章敕戒奉宣威靈敬行天誅每伐輒克然妖
寇類衆殊不畏死父兄殲殪子弟羣起治屯連兵至
今爲患若承命解甲弱國自虛釋武備以資亂損官
威以益寇今日兵罷明日難必至上忝朝廷寵授之
本下令羣凶日月滋蔓非所以彊幹弱枝遏亂止暴
之務也臣雖愚蔽忠恕不昭抱思念報所不忍行輒
勒部曲申令警備出芟彊寇惟力是視入宣德澤躬
奉職事冀効微勞以贖罪負

後漢書

晉何琦

字萬倫繁昌人性沉敏有識度好古博學
事母至孝養志衡門辟命皆辭不就桓溫
常登琦縣界山歎曰此山南有人何公真知
止足者也以述作爲事著三國評論行于世

論備五嶽祠

唐虞之制天子五載一巡狩順時之方柴燎五嶽望

於山川徧於羣神故曰因名山升中於天所以昭告
神祇饗報功德是以天厲不作而風雨寒暑以時降
及三代年數雖殊而其禮不易五嶽視三公四瀆視
諸侯著在經記所謂有其舉之莫敢廢也及秦漢都
西京涇渭長水雖不在祀典以近咸陽故盡得比大
川之祠而正立之祀可以闕哉自永嘉之亂神州傾
覆茲事替矣惟瀟之天柱在三略之內也舊臺選百
戶吏卒以奉其職中興之際未有官守廬江郡常遣

太史兼假四時禱賽春釋寒而冬請水咸和迄今又
復隳替計今非典之祠可謂非一考其正名則淫昏
之鬼推其糜費則百姓之蠹而山川大神更爲簡缺
禮俗頽紊人神雜擾公私奔惑漸以繁滋良由頃國
家多難日不暇給草建廢滯事有未遑今元愍已殲
宐修舊典嶽瀆之域風教所被來蘇之衆咸蒙德澤
而神明禋祀未之或甄巡狩柴燎其廢尚矣崇明前
典將俟星輿北旋稽古憲章大釐制度俎豆牲牢祀

嘏大辭舊章靡記可令禮官作式歸諸誠簡以達明德馨香如斯而已其諸妖孽可粗依法令先去其甚俾邪正不黷

晉書禮樂志

晉陶璜

字世英陶謙從孫仕吳爲交州牧歸晉封宛陵侯改冠軍將軍

論交州不宜減兵奏

璜歸晉仍牧交州吳平議減州郡兵璜奏武帝從之

交土荒裔斗絕一方或重譯而言連帶山海又南郡去州海行千有餘里外距林邑纔七百里夷帥范熊世爲逋寇自稱爲王數攻百姓且連接扶南種類猥

多朋黨相倚負險不賓往隸吳時數作寇逆攻破郡縣殺害長吏臣以虺鴛昔爲故國所採偏戍在南十有餘年雖前後征討翦其魁桀深山僻穴尚有逋竄又臣所統之卒本七千餘人南土溫濕多有氣毒加累年征討死亡減耗其見在者二千四百二十人今四海混同無思不服當卷甲消刃禮樂是務而此州之人識義者寡厭其安樂好爲禍亂又廣州南岸周旋六千餘里不賓屬者乃五萬餘戶及桂林不羈之

六平三書 卷之九 五
輩復當萬戶至於服從官役纔五千餘家二州脣齒
唯兵是鎮又寧州與古接據上流去交趾郡千六百
里水陸竝通互相維衛州兵未宐約損以示單虛夫
風塵之變出於非常臣亡國之餘議不足採聖恩廣
厚猥垂飾擢蠲其罪豐改授方任去辱卽寵拭目更
視誓念投命以報所受臨履所見謹冒瞽陳 晉書

交州論輸珠表

合浦郡土地堯埆無有田農百姓唯以採珠爲業商

賈去來以珠貨米而吳時珠禁甚嚴慮百姓私散好
珠禁絕來去人以饑困又所謂猥多限每不充今請
上珠輸二次者輸一麤者蠲除自十月訖二月非採
上珠之時聽商旅往來如舊 王隱晉書

梁周興嗣

字思纂項郡人世居姑孰遷員外散騎
侍郎給事中西省左衛率

答吳均詩三首

明燈照暗室邊韶對趙壹但酌山中酒唯甘江浦橘
風動雲入箕雨至月離畢王丹贈不拜是我相知日

驚鳧起北海儀鳳飛上林騫低不同翼歡楚亦殊音
曠曠夕雲起落落曉星沈李陵報蘇武但令知我心
昔別襄城村同會長安市誰學萊蕪甑本得王喬履
堦前養素鶴池中飴赤鯉一往玉壺上兼復見蕭史
唐張惟儉當塗人天曆六年登進士第仕至和州
刺史與侍御史柳鎮相友善惟儉善言諛和
而不流與物無忤鎮子宗元作先友記曰先
君之所與友凡天下善士舉集焉信讓而大

顯道博而無雜今之世言交者以爲端其見
重如此詩雋載惟儉詩一首

賦得西戎獻白玉環

當時無外守物受四夷通列土金河北朝天玉塞東
自將荆璞比不與鄭環同正朔雖傳漢衣冠尚帶戎
幸承提佩寵多媿琢磨功絕域知文教爭趨上國風
唐周惟長當塗人結廬橫山之陽耽嗜林泉不樂
仕進李白與之遊最相樂白贈以詩曰周子

橫山隱開門臨城隅連峰入戶牖勝槩凌方
壺時作白紵詞放歌丹陽湖水色傲溟渤川
光秀菰蒲當其得意時心與天壤俱閑雲隨
舒卷安識身有無抱石恥獻玉沉泉笑採珠
羽化始可作相携上清都其爲人可知矣

唐陳商字述聖陳宣帝五世孫左散騎常侍彝之
子也嘗以文質之韓愈愈答以書曰辱惠書
語高而旨深三四讀尚不能通曉茫然增愧

赧又不以其淺弊無過人智識且喻以所守
幸甚愈敢不吐情實然自識其不足補吾子
所須也齊王好竽有求仕於齊者操瑟而往
立王之門三年不得入叱曰吾瑟鼓之能使
鬼神上下吾鼓瑟合軒轅氏之律呂客罵之
曰王好竽而子鼓瑟瑟雖工如王不好何是
所謂工於瑟而不工於求齊也今舉進士於
此世求祿利行道於此世而爲文必使一世

人不好得無與操瑟立齊門者比與文誠工
不利於求求不得則怒且怨不知君子必爾
爲否也故區區之心每有來訪者皆有意於
不肖者也略不辭讓遂盡言惟吾子諒之後
射策登進士第賈島與商詩曰古道長荆棘
新岐路交橫君子荒榛中尋得古轍行足踏
聖人路貌端禪士形我曾接夜談似聽講一
經聯翩曾數舉昨登高第名釜底絕烟火曉
行皇帝京上客遠府遊主人須日明青雲別
青山何日復合并當時士流中期待如此有
文集十七卷行世今不傳

右周陳二君皆唐人其文采不少概見而見
之於青蓮昌黎閬仙之詩文者如左不知其
人視其友二君豈非風雅之儁流邪鸞音孔
羽不必習經耳目而亦知其足貴矣萬選識

六五三言

卷之九

九



